

**2015 йилнинг 1-ярим йиллиги давомида**  
**Адлия вазирлиги томонидан амалга оширилган**  
**ишлар юзасидан**  
**М А Ъ Л У М О Т Н О М А**

Ҳисобот даврида Адлия вазирлиги томонидан аниқ мақсадга йўналтирилган бир қатор тадбирлар амалга оширилди.

**Норма ижодкорлиги соҳасида ягона давлат**  
**сиёсатини амалга ошириш**

Ўзбекистон Республикаси Президенти, Ҳукумати томонидан берилган топшириқлар ҳамда вазирлик ташаббуси билан **64 та норматив-ҳуқуқий ҳужжат лойиҳалари ишлаб чиқилди**. Шундан, **7** таси қонун, **2** таси Олий Мажлис қарорлари, **1** таси Президент қарори, **1** таси Президент фармойиши, **7** таси Вазирлар Маҳкамасининг ҳужжатлари лойиҳалари, **46** таси идоравий норматив-ҳуқуқий ҳужжатлар ҳисобланади.

Вазирликка келиб тушган **267** та норматив-ҳуқуқий ҳужжат лойиҳаларидан **218 (81%)** таси ҳуқуқий экспертизадан ўтказилиб, тегишли ҳуқуқий ҳулосалар берилди, **53** таси (**19%**) Вазирлар Маҳкамаси Регламенти талабларига жавоб бермаганлиги учун ҳуқуқий экспертизадан ўтказилмасдан қайтарилди.

Ҳуқуқий экспертизадан ўтказилган лойиҳаларнинг **211** тасига (**97%**) розилик имзоси қўйилди. Ушбу лойиҳалардан **12** таси қонун, **46** таси Президент Фармони, қарор ва фармойишлари, **163** таси Вазирлар Маҳкамасининг қарор ва фармойишлари лойиҳалари ҳисобланади. Ушбу лойиҳаларнинг **117** тасига эътирозлар билан ва **104** тасига эътирозларсиз розилик имзоси қўйилди.

**21** та лойиҳа ҳуқуқий экспертизадан ўтказилиб, розилик имзоси қўйилмасдан эътирозлар билан қайтарилган. **16** та лойиҳа Адлия вазирлигида ишчи тартибда қайта ишланди.

Ҳудудий адлия бошқармалари томонидан маҳаллий давлат ҳокимияти органларининг **814** та қарор лойиҳаси ҳуқуқий экспертизадан ўтказилиб, ҳулосалар берилган. **102** та қарор лойиҳаси қонун ҳужжатларига номувофиқлиги туфайли қайтарилган.

**2.524** та маҳаллий давлат ҳокимияти органларининг қарорлари давлат ҳисобига олинган.

**Идоравий норматив-ҳуқуқий ҳужжатларни давлат**  
**рўйхатидан ўтказиш бўйича**

Вазирликка келиб тушган **256** та идоравий норматив-ҳуқуқий ҳужжатлардан **211** таси давлат рўйхатидан ўтказилди, **53** таси қонун ҳужжатларига ва қонунчилик техникаси талабларига зид бўлганлиги сабабли рад этилди.

**48** та идоравий норматив-ҳуқуқий ҳужжатлар амалдаги қонун ҳужжатларига ўзгартириш ва қўшимчалар киритилиши муносабати билан давлат реестридан чиқарилди.

Вазирликлар, давлат қўмиталари ва идораларга **158** та норматив-ҳуқуқий ҳужжатларни амалдаги қонун ҳужжатлари асосида қайта кўриб чиқиш тўғрисида **45** та тақдимнома киритилиб, уларнинг ижроси назоратга олинди.

**Қонун ҳужжатларини туркумлаш бўйича**

Жами **1 100** та норматив-ҳуқуқий ҳужжатлар давлат ҳисобига олиниб, уларнинг **374** таси вазирликда, **726** таси ҳудудий адлия органларида давлат ҳисобига олинди.

**Тадбиркорлар, шу жумладан хорижий инвестициялар иштирокидаги**  
**корхоналар ҳуқуқларини ҳимоя қилиш**

Тадбиркорлар фаолиятини тартибга солиш ҳамда уларни қўллаб-қувватлаш бўйича қонун ҳужжатларига риоя қилиниши устидан олиб борилган ўрганишларда назорат қилувчи органлар томонидан **132** та ноқонуний (рухсатсиз) текширишлар ўтказилганлиги ва **1 542** та ҳолатда текширишларни ўтказиш тартиби бузилганлиги аниқланиб, адлия органлари томонидан тегишли чоралар кўрилди.

Ўтказилган ўрганишларда тадбиркорлик субъектларига ер ажратишда **405** та, мурожаатларни кўриб чиқишда **9 381** та, солиққа тортишда **2 428** та, лицензиялаш ва бошқа рухсатномалар беришда **672** та, рўйхатга олишда **9 912** та, маъмурий жавобгарликка тортишда **15 749** та қонун бузилиши ҳолатларига йўл қўйилганлиги аниқланди.

Мазкур қонунбузарликларга йўл қўйган **3 874** нафар айбдор шахслар интизомий жавобгарликка тортилиб, уларнинг **201** таси лавозимидан озод этилди. Давлат ҳокимияти ва давлат бошқарув органларининг **658** та ноқонуний қарор, фармойиш, хат ва ҳужжатлари ижроси тўхтатилди ва бекор қилинди. Тадбиркорларга **46 159** млн. сўмдан ортиқ маблағлар қайтарилди.

Тегишли идораларга **3 948** та тақдимнома, **4 685** та огоҳнома, судларга **71** млрд. сўмлик **5 342** та даъво аризалари киритилди. Ўтказилган учрашувлар натижасида фаолиятини тўхтатган **1 770** та тадбиркорларнинг фаолияти қайта тикланди.

Адлия органларида ташкил этилган “**008**” рақамли ишонч телефони орқали **1 066** та мурожаат қабул қилиниб, тегишли тартибда кўриб чиқилди.

### Тадбиркорлик субъектларини рўйхатдан ўтказишда

Бугунги кунга қадар адлия органларида жами **13.515** та тижорат билан шуғулланувчи юридик шахслар давлат рўйхатига олинган. Шундан, **7 171** таси хорижий инвестиция иштирокидаги корхоналар, **3 975** таси юридик шахс бирлашмалари, **1 105** таси аудиторлик ташкилотлари, **783** таси бозорлар, **153** таси ломбард, **94** таси акциядорлик хўжалик бошқаруви органлари, **100** таси улгуржи-савдо базалари, **67** таси биржалар, **67** таси суғурта ташкилотлари ва **68** таси солиқ маслаҳатчилари ҳисобланади.

Ҳисобот даврида **123** та юридик шахслар давлат рўйхатидан ўтказилиб, янги ташкил этилди. Шулардан **108** таси хорижий инвестиция иштирокидаги корхоналар ҳисобланади.

### Шартномавий - ҳуқуқий ишларни назорат қилиш

Қишлоқ хўжалиги маҳсулотлари ишлаб чиқарувчилар билан тайёрлов ва хизмат кўрсатувчи ташкилотлар ўртасида жами **1 142** мингдан зиёд шартномаларнинг тузилишида иштирок этилди.

Шартномавий-ҳуқуқий муносабатлар юзасидан судларга киритилган **19,2** млрд.сўмлик **2 862** та даъво аризалари қаноатлантирилди.

Фермер хўжаликлари манфаатларини кўзлаб давлат органлари ва хўжалик юритувчи субъектларга **326** та огоҳнома, **606** та тақдимнома киритилиб, фермер хўжаликларига **51,5** млрд. сўм маблағ қайтарилди.

Судларга фермер хўжаликларининг манфаатларини кўзлаб жами **29,5** млрд. сўмлик **3 154** та даъво аризалари киритилиб, **19,2** млрд. сўмлик **2 862** та даъво аризалари қаноатлантирилди. Қолган даъво аризалари судлар томонидан кўриб чиқилмоқда.

### Инсон ҳуқуқларини ҳимоя қилиш

Ҳисобот даврида соҳага оид **980** та мурожаатлар кўриб чиқилиб, хат этилган, уларнинг **213** тасини “Ишонч телефони”га қилинган мурожаатлар ташкил этади.

Инсон ҳуқуқларини ҳимоя қилиш мақсадида тегишли идораларга **408** та тақдимнома, натижасига кўра **78** та ноқонуний ҳужжатнинг ижроси тўхтатилди ва бекор қилинди. **560** нафар айбдор шахслар интизомий жавобгарликка тортилган. **128** нафар шахс маъмурий жавобгарликка тортилди.

Судларга **1 млрд. сўмлик 543** та даъво аризалари киритилиб, **868,8 млн. сўмлик 417** та аризалар судлар томонидан қаноатлантирилди. Мансабдор шахслардан **72,8 млн. сўм** маблағ фуқаролар фойдасига ундирилган.

### **Халқаро - ҳуқуқий соҳада**

Адлия вазирлиги томонидан **116** та, шундан **19** та кўп томонлама ва **97** та икки томонлама халқаро шартномалар лойиҳалари ҳуқуқий экспертизадан ўтказилди.

Ўзбекистон Республикаси қафолатидаги **12** та қарз ва кредит битимларига юридик хулоса берилди. Ўзаро ҳуқуқий ёрдам тўғрисидаги халқаро шартномаларга мувофиқ ҳуқуқий ёрдам кўрсатиш бўйича жами **1 399** та ҳужжат келиб тушган бўлиб, улар тегишли тартибда кўриб чиқилди.

### **Ҳуқуқий тарғибот ва ҳуқуқий таълим:**

Адлия органлари томонидан **24 278** та ҳуқуқий тарғибот тадбирлари ташкил этилди. Шундан, **1 643** таси радиоэшиттиришлар ва **1 127** таси телекўрсатувлардан иборат. **1 949** та газета, **65** та журналларда мақолалар чоп этилди. **574** та мақолалар веб саҳифаларга жойлаштирилди.

Ҳуқуқий тарғибот тадбирларининг **7 281** таси тушунтириш маърузалари, **8 226** таси давра суҳбати, **2 805** таси семинар **16** таси эса илмий-амалий конференция шаклида ўтказилди.

Тадбирларда **949 961 нафар** тинловчилар жалб қилинди. Уларнинг **61 фоизини** ёшлар ташкил қилади.

Ҳуқуқий тарғибот ишларини кўргазмали қуроллар ёрдамида ҳам олиб боришга алоҳида эътибор берилиб, **576** турдаги плакат ва буклетлар **26 035** нусхада тайёрланди.